

Lu



15043

III

Mag. St. Dr.

P

Karl. Komp.

3979 Pravo.
1692

*Krupecki Unorcae Quaestio iuridica de immuni-
tate ecclesiastica.*

OF
ST

AND
S

I

M
Sa

I

M

✱
IN NOMINE DOMINI AMEN.

QVÆSTIO IVRIDICA.

De Immunitate Ecclesiastica.

Ad c. Inter alia. De Imm: Eccl. Sc. iunct. L. Præsenti.

C. De his qui ad Eccl. conf.

SUB AVSPICIIS,

SACRÆ REGIÆ MAIESTATIS,

SERENISSIMI ac INVICTISSIMI PRINCIPIS,

IOANNIS III.

DEI GRATIA POLONIARVM REGIS,
Magni Ducis Lithuaniae, Russiae, Prussiae, Masouiae,
Samogitiae, Kiiouiae, Volhyniae, Podoliae, Podla-
chia, Liuania, Smolensciae, Seueriae, Czernie-
chouiaeq; Domini, Domini Clementissimi

PROTECTIONE

CELISSIMI PRÆSVLIS & PRINCIPIS

Illustrissimi ac Reuerendissimi Domini,

D. IOANNIS

DE MALACHOWICE

MALACHOWSKI,

DEI, & Sanctæ Sedis Apostolicæ gratiâ, Epi-
scopi Cracouiensis, Ducis Seueriae, Almae Vni-
uersitatis Studii Generalis Cracouiensis

CANCELLARII FAVENTISSIMI.

in flo.

in florentissima Illustrum Hospitum corona.

Perillustri, & Admodum Reuerendo Domino,

**D. M. SEBASTIANO
PISKORSKI,**

**I. V. Doctore & Professore, Ecclesiæ Collegi-
atæ Sanctorum Omnium Cracouiæ Archidiacono,
Vielunensi Canonico, Inclytæ Facultatis Iuridicæ
PROCANCELLARIO, & in Actu PROMOTORE,**

*Clarissimis, & Admodum Reuerendis Dominis, J. V. Licentiatæ
& Professoribus, Domus DD. Jure-Consultorum Collegis,*

M. ANDRÆ KRVPHECKI,
Ecclesiæ Collegiatæ SS. Omnium Cracou: Cancellario,

M. IOANNI EKART,
Ecclesiæ Collegiatæ SS. Omnium Cracou: Primicerio.

M. ADAMO STYRKOWSKI,
Ecclesiæ Collegiatæ Tarnouien: Primicerio.

D V M

IVRIS VTRIVSQUE DOCTORES,

ritu & forma solenni

RENVNTIARENTVR,

in Ecclesia Collegiata Sanctorum Omnium Crac:

Publicè ad decidendum

COMMISSA.

& à prefato

M. ANDREA KRVPHECKI, I. V. Licentiatæ
in lucem publicam

E D I T A.

Anno Domini M. DC. XCII. Die XXVII. Martij.

**CRACOVIAE, Ex Officina Francisci Gezary, S. R. M. Illustris, ac Reuerendiss. D. Epi-
scopi Crac. Ducis Seueriæ. Necnon Schol. Nouod. Typogr.**



SERENISSIMO ac INVICTISSIMO
PRINCIP I,

IOANNI III.

DEI GRATIA

REGI POLONIARVM,

Magno Duci Lithuaniae, Russiae,
Prussiae, Masouiae, Samogitiae, Volhyniae, Po-
doliae, Podlachiae, Smolensciae, Liuaniae, Se-
ueriae, Czerniechouiae, &c. &c.

Domino, Domino Clementissimo.



Immunitatis Ecclesiasticae assertio-
nem, inter Laureas Iagellonicas cui-
dam, Triumphali Clypeo TVO,
Martialibus onusto Laureis Maxime
REGVM, tantò iustius deferimus,
quantò verius diceris, haberisq; toti-
us Christianitatis Vindex, & Assertor, Principum
in terris, Diuinas vices agentium, Sæculi nostri con-
fessione, & Orbis iudicio, Idea, Triumphus, & Coro-
na. Supremus Ecclesiae Triumphantis Princeps, in
cuius manibus Sortes Regnorum sunt, vt ad conser-
uationem totius concurrit vniuersi, ita Diuinæ suæ
in terris prouidentiae, Administros, infallibili lege,
mundo prouidet, ceu Magni consilii & fortitudinis
Angelos, qui Orbem, & Militantem Ecclesiã, con-
seruent & protegant. Nimirum Principes Ministri
DEI sunt, curæ, & Saluti hominum destinati, lætis
maestisq; rebus propitii, Atlantes Regnorum, pru-
dentiã & irrequietã sollicitudine, ingentes Rerum-
publi-

publicarum Orbes sustentantes, Argi centoculi su-
blimi Maiestate suâ, omnium commodis prospici-
entes, validâ manû arcentes pericula, & velut Mo-
trices Sublunarium Orbium Intelligentiæ, ad quarû
motum & nutum, totius mundi voluitur machina,
Sortisq; & Martis obtinet conuersiones. Tam Au-
gustum, tam Solicitum Principatûs negotium, de-
stinatione superûm ô R E X Potentissime, suscepi-
sti eâ animi magnitudine, quâ fatis & votis omnium
responderes, adeò ingentibus ausis faustisq; successi-
bus, vt spem de Te conceptâ absolueres, superareq;
ad Stuporem æui præsentis, exemplum veneratio-
nem, vel inuidiam posterorum, ex quo nimirum bo-
ni Superi, Te rebus Sarmaticis admouerunt, illâ tē-
porum calamitate, cum Oriens tonans, ingentes Gi-
gantes Asiæ, totamque Rhodopen ferro & igne, Nos
contra armauit, fuisti rebus Nostris, Stator, Iuppiter,
& eam prodigiosam Orbis Gigantomachiam, Cælis
& terris inimicam, Clypeo, & fulmine Tuo repres-
fisti. Ita vicisti Gentes, immanitate barbaras, nume-
ro infinitas, multâ strage deformes. Ostendisti Or-
bi, Tyrannum Orientis, Polonâ virtute loco moueri,
vinciq; posse; cui inusitatum erat, terris illis cedere,
quas sonipedis sui, vngula tetigisset. Populi illi, qui
Istrum, Danubiumque bibunt, nunquam illimem
hausere, sed hostili cruore tinctum, turpi tabo infe-
ctum, referentemque plenis alueis, ingentia hostium
cadauera, in testimonium Triumphorum Tuorum,
omnibus terris illis, quascunque hoc fluidum, adire
potest elementum. Nec hostem duntaxat domi,
quod inertium est, sæpius expectasti, intima Tauri-
cæ, & viscera hostilitatis ingressus, terruisti Gen-
tes, atque adeò, cum Orientem triumphis imple-
uisses,

uisses, Occidentem & Austrum peragrasti, vbi-
que triumphans & Salutare Numen. Vienna certe vi
Byzantinā oppressa, vindicem Te Salutis suae, Or-
bis habet testimonio, Tibi non Ciuitas tantum,
Obsidionales, vel Castrenses, sed omnes Coronas, o-
mnia Stephanomata debet, quod Sacris Sedibus suis,
deiecit, Odryziæ cornua Lunæ, quod illi sub trium-
phali umbone Tuo, licuit triumphare. Magni olim
Agamemnonis voto, decem Nestores expugnandæ
Troiaë poscebantur. Tu vnus REX IOANNES,
propugnandæ Viennaë suffecisti. Austriacis Panno-
nicisq; Triumphis tantò illustrior, quantò certius re
illâ tempestate, pro Deo egisti, pro vindiciis Socio-
rum, Salute tot gentium, & Orbis Christiani liber-
tate: vetustioris quondam seculi industriâ, pugnacis
Scuto Achillis, Centaurorum Lapitharūq; labores,
& totam sollicitè insculpsit Gigantomachiam, porro
Scuto Regali Tuo, verior penna famæ, Otthomani-
cos, Scythicos, Pannonicosq; Triumphos, aureis in-
scripsit characteribus, quod non in Gradiui aut Alci-
dæ delubris, sed in Capitolio immortalis gloriæ, ap-
pendit. Tibi Patri Patriæ, & Triumphatori glorio-
sissimo. Sacra Quirinalis, & Vaticana Maiestas, IN-
NOCENTII XI. Pontificis Maximi, audito hoc incō-
parabili de Tyranno Orientis, ad Viennam triūpho,
vbi REX, & Bellator, & Victor fuisti, quas Cælo?
quas Tibi gratias egit deditque? testis est Princeps
Vrbium, & Gentium Roma, inter Triumphales arcus
& ignes, Tuis assurgens applaudensque Triumphis,
quæ prisca gloriæ suæ monumenta, & Orbis subacti
gubernium, velut fabulosam, censuit antiquitatem,
attonita, ad inauditum hætenus, vindicati Orbis
Christiani, inuictâ dexterâ Tuâ, nuntium. Quidni
ergo

ergo in ludis Nostris Olympicis, triumphans Immunitas Ecclesiastica, ad Tuæ Maiestatis, properet Celsitudinem? cuius in Campo Martio, contra Orbis, & Erebi Monstra, stetisti semper vindex, fuisti Assertor, Scutum, Antemurale Christianitatis, & Asylum. Quidni Iagellonica Nostra Pallas, Laureas suas Maiestati Tuæ submittat profundissimè? quas toties seruasti ab æstu, & fecisti immunes periculis. Originem quidem Nostram Diuis Iagellonibus, sed protectionem & conseruationem, Tibi ô REX debemus, qui non tantum Musarum Nostrarum Sedes, Maiestatis Tuæ dignatione protegis, sed Aras etiam Diuûm, & Ædes S. ANNÆ & IOANNIS CANTII, Tuâ Regiâ munificentia è ruderibus suis in altum erigis, aureisque Triumphorum Tuorum, exornas monumentis. Ad fimbriam igitur Augustæ Purpuræ Tuæ, Doctorales Laureas Nostras, profundissimè aduoluimus, exosculamur Principem Regiam dexteram Tuam, mille triumphis plenam, & Regali Clypeo Tuo, pagellam hanc Immunitatis Ecclesiasticæ, inter Triumphorum Tuorum decora, appendimus. Suscipe Maxime Regum, minimam hanc laboris & ingenii, coram Maiestate Tua portionem, quam votis omnibus absolutam, inter maximas Orbis curas, more Summi Tonantis, cuius in Terris vices geris, ima non despiciens, in fastigio gloriæ, fastis perennibus consignatam, æternum mansuris adiunge Splendoribus.

Sacræ Regiæ Maiestatis Vestræ

subditus humillimus

ANDREAS KRŮPECKI, V.I.L.

QVÆSTIO I V R I D I C A.

V Immunitas Ecclesiastica, DEI ordinatione, & Canonicis Sanctionibus constituta, Personis, rebus Ecclesiasticis, locisque certis competentis, Reo ad Ecclesiam, aut alium pi-um locum confugienti, Ius asyli tribuat; quominus inde extrahi; pœnif-que ordinariis per Iudicem propriū affici queat; nec ne?

CONCLUSIO I.

Immunitas Ecclesiastica, DEI ordinatione, & Canonicis Sanctionibus constituta est.

e. Quanquam. De Censibus in 6. ibiq. glos. v. Humano.

v. Diuino. v. Constitutionem. Concil. Trident. Sess. 25. cap. 20. de reform.

COROLLARIUM I.

Immunitas Ecclesiastica est Ius, quo Ecclesiæ, aliaque pia loca, resque eò pertinentes, & Personæ, ab oneribus ac Officiis secularibus, omnique iniuria liberæ & immunes sunt.

B

can.

(can. In qualibet. can. Secundum. can. Sanctum. 23. Quest. 8. c. 1. 4. & sequen: De Immunit. Eccl. c. 1. eod. in 6. L. Sancimus. L. Placet. L. Ad instructiones. C. De Sacrosanct. Eccl.

COROLLARIUM II.

Constitutiones Christianorum Principum, Immunitatem Ecclesiasticam legitime asserentes, inter Canones receptæ, ac ab Ecclesia approbatæ; sacrosanctè observandæ sunt.

can. Generaliter. §. Placet. 16. Q. 1. glos. in d. c. Quamquam. v. Ciuili. Gregorius 1. Lib. 8. Ep. 64. & Lib. 11. Ep. 56. (1) Concil. Constantien: post ult: Sess: in Confirmatione Constit: Imperialium d. L. Placet. & L. Non soleat. C. De Sacrosanct. Eccl: Constit: Friderici II. Imperat: lib: 2. Feud: ab Honorio Summo Pontifice confirmata.

COROLLARIUM III.

Leges Secularium non possunt quidquam directè & in specie disponere in præiudicium Cleri & Immunitatis Ecclesiasticæ: quod si de facto ferantur, siue Sententiæ, siue Constitutiones tales à Secularibus Ecclesias collectantibus, sunt ipso iure nullæ, nulloque tempore conualescunt. (1) Iuramenta quoque contra libertatem Ecclesiæ à Clericis facta nulla pariter sunt, & seruari non debent. (2)

1. c. Aduersus. De Imm. Eccl. c. 3. 4. & fin. eod. in 6. 2. c. 1. De Iureiuran: in 6.

COROLLARIUM IV.

Statuta contra Immunitatem Ecclesiasticam scribentes, vel seruantes, aut secundum ea iudicantes, incurrunt pœnam excommunicationis. (1.) Similiter bona Ecclesiastica inuadentes, (2.) eorumq; iura, fructus, emolumenta, redditus, quocunq; prætextu vsurpantes, aut impediētes nè percipiantur; excommunicatione innotantur, nonnisi restitutione facta absoluendi ab ipso Summo Pontifice. Patronus Ecclesiæ id faciens Iure-Patronatus priuatur; Beneficiatus vero destituitur, & ad alia inhabilis efficitur; ab

Ordi-

Ordinum verò executione Ordinarij arbitrio suspenditur. (3.)
c. Nouerit. De Sent. Excom. 2. can. In canonibus. & can.
Similiter. 16. Q. 1. 3. Concil: Trident. Sess: 22. cap. 11. de
ref. Quod Decretum Constitutiones Prouinciales huius Regni
Gembiciana quotannis primâ Dominicâ Aduentûs & Quadra.
gesima, publicare populo ad Diuina congregato, & descriptum
vernaculâ linguâ, foribus Ecclesie affigi mandant. c. 4. De
Imm. Eccl. Adde Bullam Cane Domini.

C O R O L L A R I U M V.

Ordinarijs incumbit defensio Immunitatis Ecclesiasticæ, (1.)
id ipsam muneris Regum est, aliorumq; Dominorum tem-
poralium & Iudicium Secularium. (2.) Decet enim Principes
Christianos, vt quò largius bonis temporalibus atque in alios
potestate, sunt ornati; eò sanctius, quæ Ecclesiastici iuris sunt,
tanquam Dei præcepta, eiusque patrociniò tecta venerentur; ac
seuerè in eos, qui illius libertatem, immunitatem, atque iuris-
dictionem impediunt, animaduertant; quibus etiam ipsimet e-
xemplo ad pietatem religionem Ecclesiarumque protectionem
existant. (3.)

1. c. Decet Domum. §. Ordinarij. c. Clericis. §. Nos igitur.
De Imm. Eccl. 2. Concil. Parisien: Lib. 2. cap. 2. can. Ec-
clesia mee. Distin: 97. can. Non inuenitur. 23. Q. 4. 3. Concil:
Trid: Sess: 25. cap. 20. de ref.

C O N C L U S I O II.

Immunitas Ecclesiastica, aut est Personalis; quæ
Ecclesiasticis Personis, aut Realis, quæ earum
rebus; aut Localis quæ locis certis competit.

can. 1. & 3. Dist. 88. can. Cyprianus. 21. Q. 3. c. 4. Ne Clerici vel
Monachi. c. Non minùs. c. Aduersus. De Imm. Eccl. c. 1.
& 3. ead. in 6. Clem. 1. eod. c. Sancitum. De Censibus. c. Eccle-
sia. c. Inter alia. & fin. De Imm. Eccl.

C O R O L L A R I U M I.

Immunitas Personalis Clericorum comprehendit Priuilegium
Canonis & fori: exemptionem ab oneribus tam personali-

bus quàm realibus, & ab obseruatione legum Ciuilium, de materia Ecclesiastica, aut pro solis secularibus constitutarum: tum libertatem à muneribus publicis secularibus.

can. Si quis Suadente. 17. Q. 4. t. t. De foro competen: d. can. Generaliter. d. c. Non minus. Sc. Aduersus. Sc. Clericis: De Imm. Eccl. in 6. can. fin. Dist: 86.

C O R O L L A R I V M II.

CLerici ad contributiones publicas à Secularibus laudatas, etiam stante necessitate minime tenentur; nisi concurrant quatuor ista. Primò, vt necessitas vel vtilitas sit publica, quæ æquè principaliter ac directè statum Ecclesiasticum ac Secularem concernat. Secundò, vt Laicorum non sufficiant facultates. Tertiò, vt talis Contributio non imponatur Ecclesiasticis auctoritate Magistratus Secularis; sed Ecclesiastici, cum consensu Cleri. Quarto, vt Summus Pontifex desuper consulatur; nisi periculum in mora fuerit.

d. c. Non minus. c. Aduersus. e. t. Barbosa. De Iure Eccl. vniuer. Libi 1. cap: 39. ubi & Decisio Rotæ inserta.

C O R O L L A R I V M III.

Immunitas Ecclesiastica Realis, res Clericorum, à quibusvis veltigalibus, aliisque huiusmodi grauaminibus eximit, quæ nimirum causâ Ecclesiæ, vsusque propriæ eorum, non verò negotiationis intuitu aliquò deferuntur. (1.) Simili Priuilegio gaudent Doctores, & Studentes in Vniuersitatibus generalium Studiorum; in specie Vniuersitatis Cracoviensis. (2.)

1. d. c. Non minus. c. Quanquam. De Censibus in 6. ibiq; glos. v. Negotiandi. 2. Statutum Regni v. Schola Cracoviens.

C O R O L L A R I V M IV.

Localis Immunitas Ecclesiastica prohibet, ne in Ecclesijs exerceantur ludicia, non tantum Criminalia, sed etiam Ciuilia Secularia: Consultationes de rebus merè temporalibus, Contractus, & negotiationes; conuiuia, ludi theatrales prophani, violentiæ, Musicæ, cantusue lasciuæ & impurum quid admixtum habentes, omnia deniq; Diuinum officium perturbantia.

c. Cum

*c. Cum Ecclesia. c. Decet. De Imm. Eccl. c. Cum decorem. De
vita & honest. Cler. can. Non potest. Dist. 42. & per totum
17. Q. 4. Concil. Trid. Sess. 22. in Decreto. De obseruandis
in celebr. Missæ.*

COROLLARIUM V.

PRæiudicia Immunitati Ecclesiasticæ irrogata, etiam per con-
niuentiam tolerata: nullum Ius sortiuntur, nec iuuantur præ-
scriptione longissimi temporis, nec permissione, neque impressi-
one Librorum talia grauamina Ecclesijs per longam moram il-
lata, continentium.

Urbanus VIII. Constit. Romanus Pontifex in append. 2.

CONCLUSIO III.

Immunitas Ecclesiastica Reo ad Ecclesiam etiam
Inecdum consecratam, vel alium pium locum
confugienti tribuit Ius asyli, in casibus non exce-
ptis.

*d. c. Inter alia. can. Reum. & can. Frater. 17. Q. 4. c. Ecclesia. De
Imm. Eccl. ibidemq. glos. v. Celebrantur. & glos. in c. fin. De Con-
secr. Eccl. v. Non consecrata. Gregorius XIV. Constit. Cum
alijs.*

COROLLARIUM I.

Ius asyli competit non tantum Ecclesijs, sed etiam Monasteri-
is, alijsue eiusmodi locis pijs: Similiter Palatijs Cardinalium,
Episcoporum, domibus Clericorum Ecclesiæ continguis, insu-
per Palatijs & Statuis Principum de Iure Ciuili, Collegijs Docto-
rum & Studentium, speciali Priuilegio etiam vniuersitati Studii
Cracouiensis concessio.

*d. c. Inter alia. can. Diffiniuit. & Sequen: 16. Q. 4. c. Ad hac. De
Relig. Dom: r. r. C. De his qui fugiunt ad Eccl. L. Qui ad statu-
as C. De his qui ad Statuas confugiunt. Statutum Regni v.
Scholæ.*

COROLLARIUM II.

Nomine Ecclesiæ, quoad Ius asyli continetur non solum am-
bitus totaque fabrica, verum etiam porticus, & atria eius-
dem,

C

dem, Cæmeteria; nec non Oratoria auctoritate Episcopi erecta. (1.) Quo iure gaudent etiam Ecclesiæ vetustate, aut incendio seu bello desolatæ, dummodo auctoritate Superioris Ecclesiastici destructæ non sint, earumq; reparatio speretur. (2.) Secus est in Oratorii seu Capellis priuatorum Palatiorum, ac ædium, quibus talis immunitas haud suffragatur. (3.)

i. c. fin: De Imm. Eccl. can: Id constituimus. 17. Q. 4. d. c. Ad hac. c. Patentibus. De Priuilegiis. c. penult. De Imm. Eccl. 2. Barbosa Iuris Eccl. vniuersi Lib: 2. cap: 3. n. 59. 62. 72. 3. S. Congreg. Imm. in Marsicana 17. Nouembr. 1617. Eadem in Perusina 9. Decembr. 1631. Clarus. Lib: 5. §. fin. n. 7.

COROLLARIUM III.

Sicut Clericus excommunicatus, suspensus, vel interdictus nō amittit Priuilegium Immunitatis; ita & Ecclesia interdicta aut polluta, necdum reconciliata non priuatur eodem iure, nisi quoad Diuina officia in ea celebranda, & sepulturam Ecclesiasticam.

can: Additum. Dist: 81. c. Atq; Clerici. De Iudiciis Abb: in d. c. Ecclesiæ. De Imm. Eccl.

COROLLARIUM IV.

Confugiens ad Ecclesiam, condemnatus ad triremes (1.) effringens carceres, ad supplicium mortis ductus, (2.) quantumvis vinctus & catenis ligatus, (3.) vel stipiti portæ Ecclesiæ innixus, (4.) aut muro Ecclesiæ adhærens, (5.) parietem aut seras valuarum apprehendens, (6.) valuis vnico pede & vnica manu cohærens, (7.) captus in ianua Conuentus seu Monasterii, (8.) aut in platea Cathedralis Ecclesiæ, (9.) vestem Sacerdotis SS. Sacramentum deferentis, aut baldachinum apprehendens, vel se comitantibus Venerabile Sacramentum immiscens, (10.) gaudet iure asyli, tam Clericus quàm Laicus, (11.) non tamen qui de manibus capientium non elapsus est, sed eos ad Ecclesiam secum traxit. (12.)

1. S. Congreg. Imm. in Aglonen: 22. Iunii 1660. 2. eadem in Ro-

mana

mana 11. Febr: 1648. in Valliseletana 1627. 3. in Beneuent: 6.
 Mai 1653. 4. in Amerina 28. Mai 1625. 5. in eadem Amerina.
 18. Febr: 1632. & in Camerinen: 15. Iulii 1657. 6. S. Congr: Epi-
 scoporum 31. Martii 1604. & 18. Iulii 1614. 20. Decembr: 1616. 7.
 S. Congreg: Imm: in Brundusina 4. Septembr: 1643. eadem in
 Caputagen: 7. Septemb: 1638. 8. in Rosanen: 18. Febr: 1653. 9.
 in Narmen: 17. Iulii 1663. 10. in Militen: 28. Mai 1626. & 30.
 Septemb: 1636. in Tranea: 19. Iunii 1635. 11. S. Congr: Episcopo-
 rum in Fauentina 20. Aug. 1601. in Tropien: 24. Ianuar: 1617.
 12. S. Congr: Imm: in Florentina 6. Nouemb: 1634. & in Aletri-
 na 2. Martii 1660. Iacobus Pinatelli Tom: 8. Consult: 116.

COROLLARIUM V.

AD Ecclesiam confugientes, à Clericis recipi, defendi, sub
 protectione teneri, (1.) si aliunde non habeant, alimentis ex
 charitate prouideri, (2.) à nullo rebus suis spoliari, (3.) aut aliqua
 iniuriâ affici, (4.) nec expelli, (5.) nec in compeditus aut ligati
 ibidem retineri, (6.) neq; obsideri, (7.) non victualibus prohibi-
 tis, inediâ premi debent, (8.) & qui pro pecunia accepta eos eie-
 cerit, deponendus est Clericus, (9.) in Ecclesia verò custodientes
 Laici excommunicantur. (10.) Qui inimicum suum occidit, &
 ipse letaliter ab eo vulneratus per amicos ad Ecclesiam deductus
 est, si ab iisdem metu poenarum, quas illis Iudex Laicus commi-
 nabatur, ex Ecclesia educatur, & Iudici consignetur, restitui ab e-
 odem Ecclesiæ debet. (11.)

1. can. Eos. Dist: 87. can: Miror. can: Diffiniuit. can: Sicut anti-
 quitas. 16. Q. 4. can: Reos. 23. can: Irreligiosum. Dist: 87. 2. can:
 Ipsa pietas. 23. Q. 4. Abb. in d. c. Inter alia 3. Concil: Mediola-
 nen: 1. p. 2. Tit: De Ecclesiis & earum cultu. 4. can: Nullus Cle-
 ricorum. 17. Q. 3. Concil: Iherden: c. 8. 5. can: De raptoribus. 36.
 Q. 1. d. c. Inter alia. 6. S. Congr: Imm. in Consentina 11. Iunii
 1627. 7. can. Non satis. Dist: 86. S. Congr. in Neapolit: 22. Iu-
 nii 1627. 8. L. Presenti C. De his. 9. c. Qui alium. De Simonia.
 10. S. Congr. in Amerina. 4. Decemb. 1629. 11. S. Congr: Imm.
 in Sabinen: 18. Iunii 1669.

CONCLUSIO IV.

AD asylum, hoc est locum Sacrum, pium, aut Priuilegiatum confugiens, non potest inde violenter extrahi.

d. c. Inter alia. d. can. Reum. & can. Frater 17. Q. 4. L. Fideli. C. De his qui ad Ecclesiam. d. L. Qui ad statuas.

COROLLARIUM I.

Non gaudent hac immunitate latrones publici, viarum grassatores, publicas stratas obsidentes, viatorum ex insidiis aggressores, agrorum depopulatores, quiue homicidia & mutilationes membrorum in ipsis Ecclesiis, earumue Cæmeteriis committunt, qui proditoriè proximum suum occiderunt, assassini, hæresis, aut læsæ Maiestatis in personam ipsiusmet Principis Rei. (1.) Similiter Mater Filium infantem occidens, vel malis medicamentis abortum procurans (2.) milites hæreticorum castra sequentes contra Catholicos. (3.) apostatæ à fide, & suspecti de hæresi. (4.)

1. d. c. Inter alia Constit: Gregorii 14. Cum alias. 2. S. Congreg: Concil: 13. Decemb. 1632. & 30. Decemb. 1632. 3. Jacobus Pignatelli Tomo 8. Consult. 138. 4. Ioann: XXII. Constit. 1. Ex parte.

COROLLARIUM II.

Interfectores Clerici, aut mandans in Ecclesia existentem occidere, vel ipsemet in Ecclesia existens, si alium extra Ecclesiam, aut in Cæmeterio sub spe immunitatis occidat, non meretur lus asyli. (1.) Secus est si attentans occidere vel mutilare, actum non perficiat. (2.)

1. c. fin. De Imm. Eccl. 2. S. Congr. Episcoporum 22. Ianuar. 1627.

COROLLARIUM III.

Quamuis serui restituendi sint Dominis suis fugientes ad Ecclesiam, (1.) non alias tamen nisi habita cautione de libertate eorum à morte, mutilatione, aliisque pænis. (2.) Cæte-
rum

rum Decoētores Regiæ Camera extrahi inde possunt, carceri-
busque Ecclesiasticis mancipari, donec integre persoluant. (3.)
Iudæi quoque & Infideles, si exceptorum criminum non sunt
rei, nec blasphemiam hæreticalem commiserunt, tanto magis
si baptizari non fictè petant, non excluduntur ab hoc iure im-
munitatis. (4.)

1. can. Eos. Dist. 87. can. Metuentes. 17. Q. 3. can. Uxor. c. In-
ter alia. De Imm. Eccl. 2. d. can. Id constituimus. & can. Diffi-
niuit. Concil. Aurel. 1. c. 3. & 4. c. 21. 3. S. Congr. Imm. in Ne-
apolitana 18. Iunii 1626. & 9. Octobris 1629. 4. Syluester v.
Immunitas 3. n. 2. versu Primum Iudeus. Barbosa Iuris Eccl.
uniuer. Lib. 2. cap: 3. n. 44. ubi allegat S. Congr. controuer. Iu-
risd: prepos.

COROLLARIUM IV.

ET si confugientes ad Ecclesiam Rei exceptorum criminum
non gaudeant Immunitate, extrahi tamen inde per Iudi-
cem Secularem nequeunt, nisi de licentia Episcopi, aut Officia-
lis eius, vel Conseruatorum si locus sit exemptus: talesque ex-
tradendi poni debent in Carcere Ecclesiastico, donec per Epi-
scopum cognoscatur, an crimen quod obiicitur exceptum com-
miserint. Quod si delinquentes sint Clerici Regulares cuius-
uis Ordinis aut Militiæ, & Sancti Ioannis Hierosolymit: tales
nec extrahi, aut carcerari, vel inquiri de criminibus ad forum
Ecclesiasticum spectantibus, per Secularem potestatem pos-
sunt.

d. Constit. Gregorii XIV. Cum alias.

COROLLARIUM V.

PENÆ violantium Immunitatem Localem Ecclesiasticam re-
spectiue iniuste abripiuntur Reos ab Ecclesia variæ sunt in
Iure. 1^a De iure Ciuili est capitalis. (1.) 2^a De Iure Canoni-
co pecuniaria nongenti videlicet solidi. (2.) in vim mulctæ

D

Epi-

Episcopo soluendi. (3.) 3^{ta} quod violator Immunitatis immunitate non gaudeat. (4.) 4^{ta} publica pœnitentia Ecclesiastica arbitrio Episcopi taxanda. (5.) 5^{ta} Excommunicatio ipso facto incurrenda, quam reservatam Summo Pontifici dicunt. (6.)

1. L. 2. & L. Presenti. C. De his qui ad Ecclesiam. 2. Solidus in iure pro aureo sumitur, 72 autem aurei libram auri conficiunt. L. Quoties. C. De suscept. 3. can. Si quis contumax. 17. Q. 4. 4. can. Frater ead. cau. & Q. 5. d. can. Si quis contumax. 6. d. Constit: Gregorii XIV. Cum alias Barbossa de Off: Episc. par: 3. alleg: 50. n. 286. ubi Decretum S. Congreg.

CONCLUSIO V.

EX loco asyli legitimè extraditus, non potest per Iudicem propriū criminalibus pœnis ordinariis affici.

d. can. Id constituimus. 17. Q. 3. Nicolaus 1. ad consuli: Bulgar: Concil: Mogunt: c. 39. & d. Concil: Aurel:

COROLLARIUM I.

Confugiens ad Ecclesiam, si inde exeat cum saluo conductu, & carceretur à Curia Laicali, est restituendus.

S. Congreg. Imm. in Arminen: 3. Mai 1628.

COROLLARIUM II.

Incarceratus, dimissus die Solenni ad Ecclesiam, præstito iuramento, de redeundo in carcerem; si redire nolit, non potest restitui aliter Iudici, nisi cautione ab ipso præstita, quod dimissus non punietur criminaliter.

Abb: in c. 6. in fine.

COROLLARIUM III.

Crimen confugientis ad Immunitatem Ecclesiasticam, non manet inultum, sed subiacet poenæ pecuniariæ, vel alteri
satis.

satisfactioni, tum in foro pœnitentialem ad agendam pœnitentiam
teneretur.

gloss. in d. c. Inter alia. V. Puniendus. ibidemq. Abb. m. 3.

COROLLARIUM IV.

Cum hæc enixa sit voluntas Sacrorum Canonum & Legum
ne Reus ad Ecclesiam confugiens damnum in vita & mē-
bris sustineat; ideo Iudices Seculares, non tantum saluam iustitiā
possunt, quinimò tenentur pœnam corporalem remittere dimis-
sis, ne hoc Privilegium Immunitatis inutile sit Reo, aut Eccle-
siis onerosum, si eundem seruare debeant diutius.

Couarrus. var. resol. Lib. 1. cap. 2. n. 16. in fine, Farinac. De

Imm. Eccl. n. 301. Barbosa in Collect. ad d. c. Inter alia n. 34.

Clarus Lib. 5. Sent. c. 30. n. 5.

COROLLARIUM V.

An verò Ecclesia facinoroso ad sua septa confugiendi, im-
munitatem à pœnis ordinariis tribuens in foro fori; eandem
mortuo, ibidem sepulto præstet, in foro Poli?

*Decisio est in can. Illud. Dist. 40. cuius summa. Gratia, non locus
saluat animam. In can. Quibus. 13. Q. 2. cuius itidem summa.*

*A sacris locis non iuuantur post mortem, quibus peccata non
sunt dimissa. In can. Cum graua. ead. cau. Q. ubi textus.*

*Nam quos peccata graua deprimunt, non ad absolutionem po-
tius, quam ad maiorem damnationis cumulum eorum corpora
in Ecclesia ponuntur. Gregorius 1. Lib. 6. Epist. 29. Locus non
facit sanctum sed meritum.*

LAVS DEO Optimo, Maximo, Deiparæ im-
maculatè conceptæ, Sanctisque omnibus de-
bitus honor.



S V B R E C T O R A T V

Magnifici, Perillustri, & Admodum Reuerendi Domini,

D. M. FRANCISCI, IOSEPHI,
PRZEWOSKI,

S. TH. DOCTORIS & PROFESSORIS,
Collegæ Majoris, Ecclesiarum Collegiatarum, SS.
OMNIVM Crac: PRÆPOSITI, Scholastici Cure-
louiensis, ad S. FLORIANVM Canonici, Contu-
bernij Hierosolymitani Prouisoris, per Diæcesim
Cracouiensem Ordinarij Librorum Censoris, S.
R. M. Secretarij, Almae Vniuersitatis Craco-
uiensis Studij Generalis.

R E C T O R I S.

Biblioteka Jagiellońska



stdr0014514

